



CORPORAZIUN EVANGELICA
SCUOL-TARASP
7550 SCUOL

Statüts da la Corporaziun evangelica Scuol/Tarasp

sün basa da la constituziun da la Baselgia evangelica refuormada Grischuna¹ e da l'orden sur da la fuorma e vita in la raspada,²

relaschè als 27 november 2009

da la radunanza da la Corporaziun evangelica Scuol/Tarasp,

I. Disposiziuns generalas

Art. 1

¹ La Corporaziun evangelica Scuol/Tarasp (in seguit corporaziun) es responsabla per la vita religiosa illa raspada, impustüt per cults divins regulars, pell'instrucziun, pella chüra d'orma e pella diaconia, scopür pel possess chi till'es affidà. Incumbenza

² Ella cooperescha ad intrapraisas ed activitats da tuot las instanzas da la Baselgia evangelica refuormada Grischuna (in seguit baselgia chantunala).

Art. 2

La corporaziun es commembra da la baselgia chantunala.

Appartgnentscha
a la baselgia
chantunala

Art. 3³

Tuot las persunas evangelicas chi abitan i'ls cumüns politics da Scuol o Tarasp chi nun han declerà per scrit da nun appartgnair a la baselgia chantunala o chi nu sun sortidas da quella sun commembras da la corporaziun.

Appartgnentscha
persunala

Art. 4

Il dret da vuschar illa corporaziun han – independentamaing da lur nazionalità – tuot las commembras respectiv ils commembers chi han cumpli

Dret da vuschar

¹ CLB 100

² CLB 210

³ Vair eir art. 4 e 36 fin 38, constituziun baselgia chantunala (CLB 100)

16 ons e chi accumpleschan las premissas politicas da pudair ir a vuschar. Da 18 ons davent po üna commembra respectiv ün commember gnir elet in caricas.

Art. 5

Organs

Ils organs da la corporaziun sun:

- a) la radunanza;
- b) il consistori;
- c) il revisorat;
- d) l'uffizi da pravenda.

II. La radunanza

Art. 6

Radunanzas ordinarias

Per regla han lö duos radunanzas ordinarias l'on; in avrigl la radunanza da rendaquint ed in november la radunanza da büdschet. I'd es admiss da suottametter il büdschet e'l pè d'imposta illa radunanza d'avrigl.

Art. 7

Radunanza extraordinaria

Üna radunanza extraordinaria vain bannida dal consistori o sch'almain 40 commembras respectiv commembers cun dret da vuschar inoltreschan üna pretaisa in merit. Quista pretaisa ha dad esser accumpagnada d'üna motivaziun detagliada in scrit.

Art. 8

Invid, cumpetenzza da decider

¹ L'invid a la radunanza segua almain 14 dis avant co ch'ella ha lö cun indicaziun da las tractandas. Publichà vain l'invid illas chaistas nairas ed illa gasetta Nossa Baselgia, cun l'indicaziun ingio chi po gnir retrat la documainta correspondentia.

² Mincha radunanza chi vain convocada seguond regla es cumpetenta da decider.

Art. 9

Cumpetenzas

¹ La radunanza es l'organ superieur da la corporaziun. Ella ha tuot las cumpetenzas chi tilla suprastan tenor ledscha e decida in tuot las fatschendas fintant cha las decisiuns nu sun surdattas ad ün oter organ.

² Il sector da cumpetenzas da la radunanza es impustüt:

- a) d'approvar il protocol da l'ultima radunanza;
- b) da relaschar e reveder ils statüts e las ledschas;
- c) d'approvar il rapport annual dal consistori, il rendaquint e'l büdschet;
- d) da fixar il pè d'imposta per l'on chi segua;
- e) da decider sur da las propostas suottamissas dal consistori;
- f) da tscherner la presidenta, respectiv il president, las otras commembras respectiv ils oters commembers dal consistori sco eir il revisorat;

- g) da tscherner la delegiada, respectiv il delegà da la corporaziun al Colloqui e sia suppleanta, respectiv seis suppleant;
- h) da tscherner e da licenzchar la ravarenda, respectiv il ravarenda;
- i) d'inviar propostas al Colloqui o al Cussagl da baselgia chantunal.

Art. 10

¹ Propostas ston gnir inoltradas in scrit al plü tard fin la fin da favrer respectiv la fin da settember al consistori. Dret da far
propostas

² Propostas chi vegnan fattas in üna radunanza ha il consistori da tour in-cunter e da trattar a man da la prosma radunanza.

Art. 11

¹ Las tschernas vegnan manadas tras per scrutin, schi nu vain propouñü e decis unanimamaing da vuschar cun majorità averta. Pro'l prüm scrutin decida la majorità absoluta, pro'l seguond scrutin la majorità relativa. Pro egualità da vuschs decida la büs-cha. Votumaziuns e
tschernas

² Votumaziuns sur da fatschendas vegnan fattas cun majorità averta schi nu vain propouñü da vuschar per scrutin. I decida la majorità da vuschs. In cas d'egualità da vuschs es la dumonda sbüttada.

³ Dumondas da reponderaziun vegnan acceptadas cun almain duos terzs da las vuschs valablas.

⁴ Pro elecziuns e votumaziuns valan las stipulaziuns respectivas da la led-scha grischuna davart l'adöver dals drets politics.¹

III. Il consistori

Art. 12

Il consistori consista d'almain tschinch commembras respectiv commembbers. El vain elet mincha trais ons illa radunanza da büdschet. Reelecziuns sun admissas. Il consistori scumparta svests ils decasteris. Cumposiziun

Art. 13

¹ Il consistori as raduna in seguit a l'invid da la presidenta respectiv dal president o sch'almain duos commembras respectiv commembbers giävüschan quai. El po trar decisiuns, scha la majorità da las commembras respectiv dals commembbers es preschainta. Invids,
cumpetenzza da
decider

² La ravarenda respectiv il ravarenda vain invidada respectiv vain invidà per regla a las sezzüdas. Ella respectiv el ha vusch consultativa.

³ Il consistori po invidar a las sezzüdas a perits per consultaziuns.

¹ LDP; DG 150.100

Art. 14¹

Drets e dovairs

Il consistori es l'organ executiv da la corporaziun. El mantegna e promouva la vita religiusa illa raspada. Sias incumbenzas e cumpetenzas sun impustüt:

- a) da pisserar per cults divins regulars ed assister pro la Soncha Tschaina;
- b) da preparar las tractandas, da bannir e da manar las radunanzas e d'exeguir las decisiuns trattas;
- c) da preparar la tschernu da la ravarenda, respectiv dal ravarenda e da tilla laschar confermar dal cussagl da baselgia chantunala;
- d) da pisserar per ün provisor in cas cha la piazza da la ravarenda respectiv dal ravarenda es vacanta;²
- e) da survegliar l'instrucziun da religiun e da confirmandas respectiv da confirmands e da decider in cas da dubi, scha confirmandas respectiv confirmands pon gnir admissas respectiv admiss a la confirmaziun;
- f) da tscherner, survegliar e sustegner las persunas incumbensadas da la corporaziun in lur lavur;
- g) da manar l'archiv da la corporaziun e survegliar l'archiv da la pravenda;
- h) d'administrar e da pisserar pel mantegniment dals stabels, dal fuond e da l'ulteriur posses da la corporaziun;
- i) da cooperar pro l'execuziun dals uordens da la baselgia chantunala;
- j) d'infuormar als commembers sur da las activitats da las instanzas da la baselgia chantunala;
- k) da preschantar minch'on ün rendaquint ed ün büdschet a la corporaziun;
- l) da relaschar las ordinaziuns e'ls reglamaints;
- m) da rapreschantar la corporaziun vers l'extern.

Art. 15

Ulteriurs persunas incumbensadas

¹ Sco ulteriuras persunas incumbensadas valan l'organista respectiv l'organist, la caluostera respectiv il caluoster, las catechetas respectiv ils catechets, la nettiadra respectiv il nettiader ed otras persunas.

² Las cundiziuns da finaschun e las incumbenzas vegnan stipuladas in ün contrat da lavur.

¹ Versiun tenor decisiun da la radunanza, dals 26 november 2010; aintra in vigur als 1. schner 2011

² Art. 26 fin 28 ordinaziun sur da la structura e vita da la corporaziun (CLB 210)

IV. Il revisorat

Art. 16

¹ Il revisorat consista da duos commembras respectiv commembers effectivs e d'üna suppleanta respectiv d'ün suppleant chi vegnan tschernüts per üna dürada da trais ons. Reelecziuns sun admissas. Cumposiziun ed incumbenza

² Il revisorat examinescha il quint e rapporta lasupra in scrit a man da la radunanza.

V. L'uffizi da pravenda

Art. 17

¹ La ravenda respectiv il ravenda sta in servezzan da la corporaziun. Incumbenza
Ils dovairs in predicaziun, instrucziun, chüra d'orma e diaconia accumplescha ella respectiv el in respunsabilità invers il Segner, in basa a las disposiziuns da la baselgia chantunala e talas da la corporaziun ed in col-lavuraziun cul consistori e las otras persunas respunsablas da la corporaziun.

² Las cundiziuns da finaschun vegnan stipuladas in ün contrat da lavur.

VI. Disposiziuns finalas

Art. 18

Quists statüts pon gnir müdats o rimplazzats, sch'almain duos terzs da las commembras respectiv dals commembers preschaints a la radunanza pretendan quai. Müdamaints dals statüts
Propostas da müdamaints vegnan trattadas dal consistori e suottamissas a la prosma radunanza.

Art. 19

Quists statüts aintran in vigur davo chi sun gnüts acceptats da la radunanza dals 27 november 2009 culla resalva da l'approvaziun tras il Cussagl da baselgia chantunal. Entrada in vigur
Els rimplazzan ils statüts dals 7 gün 1999.